

BOSNA I HERCEGOVINA
FEDERACIJA BOSNE i HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/KANTONALNO TUŽITELJSTVO
TRAVNIK

Broj: T06 0 KT 0036342 24

Travnik, 27.01.2025.godine

OPĆINSKOM SUDU U TRAVNIKU

- Sudiji za prethodno saslušanje –

Na osnovu člana 45. stav 2. tačka i) i člana 241. stav 1. ZKP FBiH, podižem:

OPTUŽNICU

Potvrđena dana 30.01.2025.godine

Protiv: K. S.

Što je: Dana 14.10.2024. godine oko 19,20sati u ulici Kralja Tvrtka bb, općina Vitez, napao službenu osobu na dužnosti čuvanja javnog reda, na način da je nakon što je patrola policijskih službenika PS Vitez tokom rutinske kontrole zaustavila pmv. Kia Sorento reg. oznaka K03-E-788, kojim je upravljao K. S., te nakon što je legitimisan i utvrđeno da upravlja neregistrovanim vozilom, a potom alko-testiran sa utvrđenim prisustvom alkohola u organizmu od 1,72 promila, te kada je upoznat od strane policijskih službenika da će biti zadržan u PS Vitez do otrježnjenja, verbalno napao policijske službenike PS Vitez O. S., Č. D. i Š. K. govoreći im „Jebo vas hljeb, jebem vam majku“, a potom fizički napao O. S., hvatajući ga jednom rukom u predjelu vrata, a drugom u predjelu prsa, nakon čega je oborio oštećenog na asfaltnu površinu, svjestan da napada ovlaštenu službenu osobu i htijući to, nakon čega je lišen slobode.

Dakle, napao službenu osobu na dužnosti čuvanja javnog reda

Čime je počinio krivično djelo Napad na službenu osobu u vršenju poslova sigurnosti iz člana 359. stav 1. KZ FBiH.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom